

الانتحار تحت عجلات المترو .. " ولا تقتلوا أنفسكم " .. أسهل الطرق للانتحار .. وأنا بقولك مش هتنتحر !!

حازم شومان

ان الحمد لله نحمده ونستعين به ونستغفره ونعوذ بالله من شرور أنفسنا ومن سيئات أعمالنا. ونعوذ بالله من شرور أنفسنا

ومن سيئات أعمالنا انا من يهده الله فلا مضل له. ومن يضل فلن تجد له هاديا مرشدا. يا - 00:00:00

ايها الذين امنوا اتقوا الله حق تقاته. ولا تموتن الا وانتم مسلمون. يا ايها الناس اتقوا ربكم الذي خلقكم من نفس واحدة وخلق منها

زوجها وبث منهما رجالا كثيرا ونساء - 00:00:30

واتقوا الله الذي تساءلون به والارحام. ان الله كان عليكم رقيبا. يا ايها الذين امنوا اتقوا الله وقولوا قولا سديدا. يصلح لكم اعمالكم.

ويغفر لكم ذنوبكم. ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواجه امهات المؤمنين. وعلى

ذريتي وال بيته - 00:00:50

انك حميد مجيد. اما بعد اخواني واحبابي في الله اخواني واحبابي في الله. يعني فوجئنا كلنا بشاب من الشباب وفتاة من الفتاة

ويعني وتكررت الحلقة بيلقي نفسه تحت عجلات المترو. واحد وهو في مقتبل الشباب. او بنت وهي في مقتبل العمر والعمر -

00:01:20

والمفروض ان الشاب في السن ده بيقعد يحلم قبل ما بينام ساعتين ثلاثة احلام يقظة هتجوز مين وهسكن فين وهشتغل ايه

ومستقبلي هيبقى ايه شاب في المرحلة دي يقرر في لحزة ان هو بايدو يرمي نفسه تحت عجلات مترو عشان يموت موة رهيبة -

00:01:40

ليه؟ ايه اللي يوصل شاب للمرحلة دي؟ ايه اللي يخلي بنت ترمي نفسها تحت عجلات القطر؟ اللي يخلي واحد يشنق نفسه في بيته.

اللي يخلي واحد يرمي نفسه من فوق او يكب على نفسه جاز ويولع في نفسه والعياذ بالله. نسأل الله حسن الخاتمة. ايه اللي يخلي

واحد يعمل في نفسه كده - 00:02:00

او بنت في سانوي تعمل في نفسها كده او شاب في اعدادي او في سانوي ايه اللي يخلي انسان يعمل في نفسه كده؟ اخواني في

الله. لما بدأت اتتبع حالات الانتحار - 00:02:20

فوجئت ان الموضوع بقى متوالي. اللي جوزها عنده فشل كلوي ومش لاقية تاكل. شربت حاجة سمتها شربة سم وقتلت نفسها واللي

ابنه عنده سرطان ومش لاقى يعالجه وما عهوش فلوس. انتحر وقتل نفسه. واللي ابوها وامها اتطلقوا وهي بنت عندها ستاشر سنة.

رمت نفسها - 00:02:30

تحت عجلات القطر واللي بقى عندها ثلاثين سنة وما اتجوزتش ولعت في نفسها وقتلت نفسها وعضت على نفسها وعاشرت ربها

بنفسها واللي عنده مشكلة مادية ومراته سابتة وطلبت الطلاق لانه مش لاقى يصرف على بيته. ورمى نفسه من من شاهق واللي عنده

- 00:02:50

مشكلة واللي شافت اخواتها بيتشاكلوا مع بعض راحة رمت نفسها تحت قطر. واللي واللي والموضوع بقى بيتوالى يا اخواني في الله.

لما الواحد بدأ يبص للزاهرة ديت انا فاكر اول مرة في حياتي شفت فيها حالة انتحار كنت طالب في رابعة كلية. وكنا في الطب

الشرعي بندرس الطب الشرعي في السنة ديت. وانا لسة طالب في - 00:03:10

الكلية اول مرة في حياتي اشوف واحدة طعنت نفسها بسكينة في قلبها وقتلت نفسها الموضوع ده نادر الموضوع دلوقتي ما عدش قادر. وفيه ناس بتشتكي من الخواطر الانتحارية. انا بييجي لي افكار انا بييجي لي خواطر. انا نفسي انا انا بييجي لي نوازع او دوافع
- 00:03:30

كان الموضوع نادر. الوقت الموضوع ما عدش نادر. الموضوع بقى موجود. وبقى له نسبة. مسجلة في بلادنا ومسجلة في العالم كله. يا ترى ليه؟ يا ترى ليه زمان كان الواحد يعني معلوماتنا كلنا العامة ان بسبب الاكتئاب بسبب الالام النفسية. لما تتأبعت كل القصص اللي -
00:03:50

الواحد شافها ووقعت تحت ايده الفترة اللي فاتت وان الواحد شاف اصحابها بنفسه. وهو رايعين فرح من الافراح. فرح من الافراح رايع لقيت فجأة ميتم بقول لهم فيه ايه؟ يعني الناس متصلين بي عشان فرح. قالوا لي بنت في سانونية عامة الشاب اللي بتحبته اتقدم لها ابوها رفض - 00:04:10

قتلت نفسها واتقلب الفرحة ميتم. وانا مع مجموعة من الشباب بنتكلم عن ربنا على قفين من الكافيهات. لقيت واحد بيقول صاحبي انتحر ليه البنت اللي بيحبها سابتته واحد تاني انتحر ليه ابوه خد منه الموبايل والموبايل ده كان بالنسبة له حياته. هو اللي بيحصل -
00:04:30

ده ايه؟ اللي بيحصل ده ان الاعلام بيضفي جو بطولي مسلا على اللي بينتحر ويحكي قصة درامية فبه الموضوع اكبر من كده. امال الموضوع ايه لما تيجي تبص لقصص الانتحار تلاقي ان تسعين في المية منها ما عدتش اكتئاب والام نفسية. دي عادة ضغوط حياتية. دي عادة فقر - 00:04:50

ومرض دي عادة مشاكل اجتماعية وحياتية واقتصادية. بتؤدي الى عدم القدرة على التحمل. وتؤدي الى لحزة سواد الواحد بيدخل في لحزة خلاص اسودت. ومش هتبيض تاني. وربنا مش هيعمل لي حاجة. وربنا ما اناش مستني ان هو يغير لك - 00:05:10
في حاجة من اللي بتحصل دي خلاص السواد اللي انا فيه ده مش هيخلص. السواد اللي انا فيه ده مش هينتهي. ما فيش حاجة انا مستني انها تحصل وما فيش - 00:05:30

حاجة تحصل لما بتوصل النفسية للحزة اليأس. لحزة ان ما فيش فرج من عند ربنا جاي. ان ما فيش اي حاجة هتغير الحال اللي احنا فيه. ان هنفضل فيه على طول. طب العذاب ده اخلص منه ازاى؟ يقوم رامي نفسه في اول وسيلة. شن حرق سم رمي نفس من فوق
- 00:05:40

رمي نفسه تحت قطر او تحت مترو. ايا ما كانت الوسيلة وهو يظن انه بيتخلص من هذا العذاب وبيرتاح. ومش عارف ان فيه عذاب اشد منه ولا ومش عارف ان الناس اللي هو بيوصل لهم رسالة انا لازم اعيشكم الالم اللي انا عشته لان ما حدش حس بي وانا بتألم -
00:06:00

ما حدش فيهم الدنيا هتكمل زي ما هي عادي. ومسيرة الحياة هتفضل زي ما هي عادي. والخسران الوحيد هو. الخسران الوحيد هو اللي قام بهذا الامر للأسف الشديد لقيت ان تسعين في المية من حالات الانتحار هي نقطة ان الواحد وصل لدرجة اليأس وان ما فيش حاجة - 00:06:20

اتغير وان الضغط والفقر والمرض والمشاكل والضغوط والهم اللي انا بنام فيه واصحى فيه لن خلاص واحد وصل للحالة دي هيقدر يعيش ازاى؟ واحد وصل لليأس ده هيقدر يعيش ازاى وييجي هنا الدور الخطير - 00:06:40

الشباب وهو في اللحظات الرهيبة ديت ما بين ضعف ايمان ويأس من رحمة ربنا والعياذ بالله. وما بين وضع رهيب وظروف رهيبة ييجي يبص على الاعلام وييجي يبص على القنوات. شف شف آآ شف اللعيب ده اللي بياخد آآ حارس المرمى بتاع بيراميدز اللي في ست شهور - 00:07:00

تمانين مليون جنيه. تمانين مليون جنيه! ده انا مش لاقى اكل! ده انا نفسي في عيش وجبنة اكلهم! ده انا نفسي اتجوز شاب قابلته على قهوة! بيقول لي انا هعمل ايه؟ انا جيت احسب عشان اتجوز عايز اشتغل عشر سنين بمرتب اضعاف المرتب اللي انا اصلا قدامي

في الشغل اشتغل ليه - 00:07:20

خلاص انا بشتغل على قد جرعة المخدرات. واضرب جرعة المخدرات عشان اتوه عن الواقع اللي انا فيه وخلاص. تخيل بقى واحد زي ده قاعد يتفرج بقى شف شوفوا اللاند كروزز الخاطى شف الفيلا بتاعة الامير فلان شوفوا زوجات رجال الاعمال شكلهم ايه شوفوا شوفوا الفدانا العالمية اللي اتجوزت من المغني - 00:07:40

الكلام الفلاني شف صورتهم وهم عند قصر الاليزيه بيتصوروا شف آآ شوفي كده شوفي الفاشونيستا الجميلة دي شوفي البنت الفاتنة دي وهي ممكن تكون مستوى جمالها يعني مش المستوى ده خالص. وعدى التلاتين وما حدش اتقدم لها. وابوها فقير. وما هيش عارفة تعمل ايه. ومش - 00:08:00

مش لاقية شغل يبدأ الشاب يبص شف شف محمد صلاح مليون جنيه في اليوم دخله الهضبة دخله في السنة ستة وثمانين مليون جنيه. ده خد في الحفلة اتنين مليون جنيه في اربع ساعات في اربع ساعات. اتنين مليون. اتنين مليون. طب انا انا مش عارف الاقي شغلانة بخمس تلاف جنيه. عشان الاقي قوت بس الاساس - 00:08:20

طب اعمل ايه؟ يبدأ الاعلام اعلام الاثارة للانارة. الاعلام اللي مش قضيته انه ييني ولا ينور للناس حياتها. ولا يفهم الناس ازاي؟ اللي كل قضيته الاسارة الاسارة بالجنس ماشي. الاسارة بالجريمة ماشي. الاسارة بمنازر الدم والحرق ماشي. الاسارة - 00:08:40
اخبار الانتحار نفسها اللي من اسباب انتشار الانتحار. لانهم بيطفوا صبغة غامضة. والشباب في مقتبل عمره. فيه شباب بيتأسر بالشكل ده المهم الاثارة. المهم المشاهدات. المهم عدد الفولورز. المهم الفيورز. المهم اسارة اسارة اسارة - 00:09:00
ما فيش انارة. الشاب يجتمع عليه السالوس الاسود. السالوس الاسود اللي احد زواياه ضعف الايمان والاحساس باليأس. وان ربنا مش هيعمل لي حاجة هو مش فاهم. مش فاهم هو ما حصول حاجة ليه! مش فاهم انه مش عارف يقف على باب ربنا. اليأس من رحمة الله والعياز بالله. الركن - 00:09:20

التاني وحجر الزاوية الثاني في السالوس الاسود الواقع الرهيب. والضغط المالية والمستقبل اللي ما فيش فيه اي ملامح الركن الثالث الاعلام المسير. الاعلام المهيج للمشاعر. وبعد كده الشاب يلاقي رجله حافي على الارض زي ما هو - 00:09:40
الفانوس الاسود يجتمع الشاب بقى يروح يرمي نفسه تحت مترو. يروح يرمي نفسه تحت قطر. يروح يولع في نفسه ويكب على نفسه جاز. يروح يشرح صم يروح يرمي نفسه من دور عالي. ما تسألش بقى اللي هيحصل بعد كده ايه؟ لان المقومات كلها بتؤدي لده. اخوانا يا احبابي في الله - 00:10:00

لمازا اتكلم عن موضوع الانتحار؟ انا باتكلم عن الموضوع دلوقتي ليه؟ لان لما جه عاشورا عاشورا يوم الخميس الجاي بازن الله سبحانه وتعالى. عاشوراء يوم عاشوراء ده دايم كل سنة الواحد يفتكر فيه الامل الرهيب منصر الامل الجبار منزر بحس ان عاشورا ده بيتكلم - 00:10:20

بحس ان عاشوراء ده ده اعلام لوحده بيتحدث للامة. وبيلوموا اوعوا تياسوا. اوعوا تياسوا لما تشوفوا اللي بيحصل في سوريا. اوعوا تياسوا لما تشوفوا والاطفال اللي تحت الانقاض. اوعوا تياسوا لما تشوفوا اللي بيحصل في فلسطين. اوعوا تياسوا لما تشوفوا الزروف اللي بقى المسلمين فيها. والزلم اللي بقى - 00:10:40

من فيه اوعوا تياسوا يوم عاشوراء ده اخطر احداث في الدنيا حصلت فيه. اليوم اللي ربنا شق فيه البحر الاحمر لموسى. يعني في لحظات بعد شروق الشمس وسيدنا موسى يعني ربنا امره من قبلها بالليل ان هو ياخذ بني اسرائيل ويخرج وفرعون يعرف وفرعون يلاقيها - 00:11:00

فرصة لذبح بني اسرائيل والخلاص من الملف ده نهائيا ما يجريش ورا موسى. ارسل فرعون في المدائن حاشرين. ان هؤلاء لشرب قليلون. الكل مهدد والكل في خطر. والشرذمة ديت بتهددنا كلنا. ويحشد فرعون. كل القوة بتاعته ويخرج - 00:11:20
ورا موسى فاتبعوهم مشرقين. حتى ايه؟ فلما تراءى الجمعان اول ما الجمعان شافوا بعض. اول ما موسى واللي معه شافوا خطر وسيوف جنود فرعون. اول ما الشاب ببشوف البطالة بترفع السيف بتاعها عليه. اول ما البنت بتشوف العنوسة بترفع السيف بتاعها

عليها - 00:11:40

والواحد في المجتمع بيلقي وزيفته بتخسر ومهدد بالفقر ومهدد بفقد كل شيء ومهدد انه ما يعرفش يصرف على بيته الرسول عليه الصلاة والسلام نايم واحد اعرابي خد السيف بتاعي وقال له يا محمد من يمنعك مني؟ هذبك يا محمد يا ابن عبد الله عليه الصلاة والسلام السيف في ايدي - 00:12:00

وانت نايم على الارض وكل صحابتك مش معك الوقت نايمين بعد الغزوة اللي انتم خارجين منها. مين اللي يقدر يحميك مني؟ بيعمل حركة استعراضية قبل ما يقتل النبي عليه الصلاة والسلام زي لعب الكورة اللي عدى من الفريق كله من حارس المرمى وما رضاش يحط الجون. واقف قدام الجون بقى مين اللي يقدر يمنعني ان انا - 00:12:20

الجون ده ، هاجبيه قدام عينيكم كلكم وما حدش عارف يعمل لي حاجة. يا محمد، من يمنعك مني؟ فوجئ ان النبي عليه الصلاة والسلام هو لسة صاحي من النوم يقول له الله الله! الله! فسقط السيف من يد الرجل. النبي عليه الصلاة والسلام خد السيف. وقال له وانت من يمنعك - 00:12:40

ثم عفا عنه النبي عليه الصلاة والسلام. لما البطالة ترفع سيفها على شاب وتقول له من يمنعك مني؟ لما الطرد من شغل لما مرض سرطان غيره يرفع السيف على بنت في الشباب او اي واحد ويقول له من يمنعك مني؟ من يمنعك مني؟ عندنا يقين كلمة الله -

00:13:00

عندنا يقين اللجوء الى الله. سيدنا موسى واقف قدامه قدام البحر. طرائق جمعان. كل الحسابات انتهت. كل الحسابات البشرية عجزت احنا مدبوحين مدبوحين. البحر الاحمر هيبقى بجد لونه احمر من دم موسى وكل اللي معه. تراءى الجمعان وسيوف فرعون بارد. قال

- 00:13:20

اصحاب موسى ان لمدركون الحسابات البشرية كلها بتقول ان احنا مقتولين مقتولين. قال كلا لا يمكن ده يحصل. لا يمكن ليه يا موسى معك اف ستاشر هتضربهم بها؟ لأ معك جيش تاني مخبيه لأ معك قبلة نووية او قبلة هيدروجينية هتواجههم بها لأ. اومال -

00:13:40

معك ايه ؟ ان معي ربي سيهدين. انا معي ربنا. الاحساس ده لما ببيجي في صدري اي انسان احساس الامل الرهيب ان ربنا مش هيسيبك. ان ربنا مش هيتخلي عنك. انت وقفت على بابه وربك - 00:14:00

امتى توسلت اليه وربنا ما اذكش ؟ امتى ؟ والله العظيم انا اعرف اعرف واحد جه وقال كنت مع بعض اخواني. ادعوا لي بقى لي عشر سنين ما باخلفش. عشر سنين منهم ما اتجوزش. واحد من اللي واقفين رفع ايده قال اللهم ارزقه الذرية. اقسام بالله رزق بالذرية

- 00:14:16

نفس الشهر في نفس الشهر انا اعرف واحد كان عنده مرض عضال وكنا في عمرة وهو بيطوف وبيدعي ربنا والله شفاه الله وهو في الطواف. اعرف واحد وهو يعني والله وكان مرض تاني شديد جدا. وهو ساجد وانا اعرف هذا الشخص. وهو - 00:14:36
ساجد في بيته. قال يا رب ما ارفع راسي من السجدة دي الا وانت شافيني. والله شفي قبل ان يرفع رأسه. اعرف واحد والله وهو بيصلي ركعتين لله سبحانه وتعالى ورفع ايده وتوسل الى الله وكان واقع فيه ازمة جبارة والله فرج الله عنه قبل ان يخرج -

00:14:56

وده الركعتين. ربنا هو امتى وقفنا على باب ربنا وربنا ردنا؟ امتى قلنا يا رب وربنا ما ادناش؟ امتى توجهنا الى الله؟ وربنا ما فرجش الكرب بدل ما ارمي نفسي تحت عجل المترو. طب ما ارمي نفسي على باب ربنا. واشوف كده ربنا هيعمل لي ايه؟ واشوف كده ربنا

سبحانه وتعالى هيفير لي ايه - 00:15:16

واحد في يوم عاشوراء يوم الابل يوم شق البحر موسى. يوم هلاك فرعون. الله الله سبحانه وتعالى الجاموسة وموسى رضيع ومرمي في الماية لوحده. ربنا نجاه وهو رضيع لا يملك شيء. وفرعون وهو وسط جنوده - 00:15:36

وجيوش ربنا اغرقه وهو وسط الجنود بتاعته كلها. الموضوع مش الاسباب. الموضوع مش في ايدي اسباب قد ايه. الموضوع ربنا انت

معك ولا مش معك؟ الموضوع ربنا لو معك لا يمكن هيسيبك. ولا يمكن هيتخلى عنك قضية الامل. قضية الامل اللي - [00:15:56](#) خمنت خمنت عند ناس كتير. ما حدش عنده احساس الامل الرهيب. احساس الثقة الرهيبة هو اللي بينتحر بينتحر ليه؟ اللي بينتحر يا جماعة ما ليش دعوة بمرض اكتئاب والام الاكتئاب. اسأل الله ان يعافي كل مريض نفسي. اسأل الله ان يعافي كل مريض نفسي.

الخطبة دي انا باتكلم عن التسعين في المية من حالات الانتحار اللي بسبب - [00:16:16](#) اليأس من ضغوط الحياة. مش باتكلم على عشرة في المية اللي بسبب الاكتئاب والالام النفسية. دي قصة تانية وكلام ثاني وله موطن

ثاني. انا باتكلم على اللي بسبب الضغط الفقر ان ما اتجوزتش ابوه وامه اتطلقوا اخواتها مزالمينها الفقر - [00:16:36](#) مراته سابته خطيبته سابته. انا باتكلم عن ده اللي بسبب الضغوط. اربع اسباب. اربع اسباب بتؤدي الى ان انسان ينتحر. الاحساس الاول اللي بيوصل للانتحار. احساس ما فيش امل. خلاص. السواد ده مش هيتغير. السواد اللي انا فيه ده ما فيش بعده - [00:16:56](#) اي انفراد اليأس الكامل من من الفقر يتغير او ان المرض يزول او ان الازمة دي تنفج. الاحساس الثاني بعد احساس ان ما فيش امل احساس كل شيء انتهى. خلاص زي الشاب اللي ابوه خد الموبايل منه. هو الموبايل ده كان حياته. انت بالنسبة لك هو ايه الهيافة دي!

موبايل - [00:17:16](#) هو بالنسبة له الموبايل ده زي ما انت بالنسبة لك مسلا اللي انت عايز تتجوزها كده. او زي ما انت بالنسبة لك مسلا الوزيفة اللي انت عايز تاخذها وبالنسبة له ده حياته - [00:17:36](#)

البت اللي رحنا الفرحة لقيناه اتقلب ميتم لانها انتحرت لما الشاب ابوها رفضه هي بالنسبة لها الشاب ده هو الدنيا. فلما ده راح كل شيء انتهى. خلاص كل حاجة حلوة راحت. الاحساس الثالث اللي بيؤدي للانتحار. احساس انا لازم اعيشكم. نفس الالم - [00:17:46](#) انا عشت انا عشت الام رهيبة وعشت حرمان وعشت ضغط وكل اللي حواليا كله بيستهتر بي. بس رح صل ركعتين وربنا يفرجها. بس يا عم بطل شكوى بقى. انت طول ما انت ماشي رايح تشتكي. يا عم انت ربنا اداك نعم كتير. ما تبص طب انتم عيشتوني الالم. وانا -

[00:18:06](#) ما حدش حس بي انا هاقتل نفسي قتلة. هاخليكم طول عمركم قلبكم متقطع نفس الالم. هو متهاى له كده. هو مش عارف ان الحياة هتمشي من بعده زي ما كانت من قبله هو مش عارف ان هو الوحيد الخسران في المعادلة دي. انا هاشكو الالم زي بنتي. كلية من كليات القمة عندنا في جامعة المنصورة. جت في الدور - [00:18:26](#)

رابع في وسط الكلية وقامت رامية نفسها وسط صاحبها. دايم اللي بيموت نفسه عشان الدافع ده. بيموت نفسه قدام الناس. ده مش بيشق نفسه في بيت ده مش مهم نفسه من بلكونة. ده يقوم جاي قدام قطر ورامي نفسه او قدام مترو ورامي نفسه. او في وسط كلية اصحابه كده ويقوم رامي نفسه. ليه؟ انا لازم - [00:18:46](#)

كل دول الالم اللي انا عشته. ده بيساوي كل سوسايد. احساس ان لازم الناس دي كلها تتألم عشان. احساس اني ما اتألموش عشانى وانا اني فانا هدفهم التمن. الاحساس الرابع اللي بيؤدي للانتحار. احساس فقد المعنى. ان ما عدش فيه معنى. وده اللي بيفسر انتحار الاغنيا. وانتحار الدول - [00:19:06](#)

واحد مليونير لو ما اشتغلش بياخد مرتب من الحكومة ولو اشتغل بياخد مرتبك. واحد ما عندوش اي مشكلة في حياته اصلا. واحد يفتح الشباك ويتفرج الركعة الثلج وهو نازل كده والتكليفات مخليه عايش في جنة اصلا. في جو جنة وهو قاعد. هو ده مشكلته ايه في الحياة اصلا؟ ده ما عندوش مشكلة. ده - [00:19:26](#)

الناس الحكومات بتاعتهم بتصرف لهم مخدرات. زي التموين الشهري عندنا كده بيتصرف لهم جرعة من المخدرات والمعدات. هو ده مشكلته ايه؟ ده مشكلته سوء فقد المعنى. ان هو لما فقد ايمانه بالله. ما حدش في معنى الحاجة. هو ايه معنى الفلوس اصلا؟ هو ايه معنى الحياة؟ هو ايه معنى السعادة؟ هو ايه معنى - [00:19:46](#)

الجواز هو ايه معنى الخلف لما فقد وجود ايمانه بوجود الله فقط اي معنى للحياة لان عشان كده كبار المنتحرين كبار بينتحرروا ليه؟ زي فلان وفلان. عشان كده في الدول الاسكندنافية اعلى انتحار في العالم ليه؟ فقد المعنى. الاحساس ما فيش له قصير - [00:20:06](#)

ما فيش معنى في حياته يحيا اصلا. هو خلاص كل شيء فقد بفقدان اتصاله بالله. سبحانه وتعالى جرب كل اسباب السعادة ولسه عش تعيش. لان مشكلته انه يؤمن بالله. مش مشكلته ان هو يقع في زنا ولا يتفرج على حاجة وحشة. مشكلته روحه بتصرخ. عايضة -

00:20:26

ارفع ايدك وقل يا رب وانت تنجو من اللي انت فيه. ولكن هم مش مشخصين ده. مش مشخصين كده. الاربع احاسيس دول. الاربع مشاعر دول هم هو اللي بيخلي واحد في الآخر ينتحر. هم اللي بيغيرنا احساس ما فيش امل. يا اما احساس كل شيء انتهى. يا اما احساس الالم اللي انا عشته لازم اعيشه لكل اللي حواليا. ما دام ما - 00:20:46

يا اما احساس فقد المعنى بيجي يوم عاشوراء. اللي احنا فيه ده يا جماعة اللي احنا جايين عليه. في نهاية الاسبوع اللي بازن الله هيبدا غدا ده يوم عاشوراء يقول لك احساس الامل. احساس سيدنا موسى وهو واقف قدام فرعون وهو بيقول كلا ان معي ربي سيهدين. احساس لما - 00:21:06

ربنا اوحى اليها ان يضرب بعصاك البحر فانسلق فكان كل فرق كالطود العظيم. الانقلاب اللي حصل في الوضع ده لان ربنا قادر. سيدنا موسى ما يقينه في الله. ما فقدش الامل في الله زي سيدنا محمد عليه الصلاة والسلام. احنا دلوقتي في رحلة الهجرة يا جماعة. احنا دلوقتي في ايام الهجرة. النبي عليه الصلاة والسلام طول الهجرة - 00:21:26

اكره خمسميت كيلو متر. الجزيرة العربية كلها بتدور عليه حي او ميت. سروة طائلة للي يقبض على محمد بن عبدالله. قريش جايبة اعظم الراصدين للآثار عشان يجيبوه. والقبائل كلها بتدور عليه عشان ياخدوا الجائزة. والنبي عليه الصلاة والسلام الرحلة اللي بتاخذ اربع تيام خدها في خمستاشر يوم - 00:21:46

عليه الصلاة والسلام عشان يعدي من الجبال ومن الاماكن المهجورة عشان يقدر يوصل. عليه الصلاة والسلام في الرحلة الرهيبة دي. والنبي عليه الصلاة والسلام بيص على مكة الوداع بعد ما طاف طواف بيودع فيه الكعبة عشان انت النهاردة تطوف النبي عليه الصلاة والسلام حرم نفسه من احب عبادة له على وجه الارض. وهي الطواف - 00:22:06

بيقول لمكة انك لاحب بلاد الله الى الله واحب بلاد الله الي. وربنا ينزل عليك. ان الذي فرض عليك القرآن لرادوا الى ميعاد. القرآن اللي انت اقترضت بسببه. القرآن اللي انت سبت وطنك بسببه. القرآن اللي انت ازيت بسبب تنفيذه هو اللي هيرجعك - 00:22:26

ملك على البلاد دهيه لردك الى معاد يهاجر النبي عليه الصلاة والسلام اربعة وعشرين ساعة من الضهر للضهر لا نوم ولا اكل ولا شرب مشي واصل عكس اتجاه المدينة. عكس في جنوب مكة. عشان يهرب منهم. وبعد كده يلاقي غار ثور. يقعد ثلاث ايام فيه. ثلاث ايام جوة تابوت فرن - 00:22:46

مولع نار ممنوع يخرج ولا يطلع راسه برة. لا هو ولا ابو بكر الصديق. صلى الله على النبي محمد عليه الصلاة والسلام. بعد ثلاث تيام يبص تلاقي الرجلين فوق. يلاقي رجلين المشركين واقفة. ابو بكر يقول له يا رسول الله الرسول عليه الصلاة والسلام منشغل بالذكر. لو نظر احدهم تحت قدميه لراه - 00:23:06

انا زي ما كانوا بيقبضوا على صدام حسين في العراق كده. لو اللي يبص تحت بس في الحفرة اللي هو كان فيها يشوفه. يا رسول الله ده بصة بس تحت كده احنا خلاص - 00:23:26

خلاص انتهت اخطر لحظة في تاريخ الاسلام كله. واصعب لحظة في تاريخ الاسلام كله هي اللحظة ده ايه؟ واكثر لحزة كان الاسلام مهدد بالخطر فيها. في تاريخ الاسلام كله بصة لتحت كل شيء انتهى. فاذا باجابه النبي عليه الصلاة والسلام صحيح مسلم اسكت -

00:23:36

ابا بكر اسكت. الكلمة دي ما تتقالش. الله اللي من فوق سبع سماوات لن يتركنا. اسكت يا ابا بكر. معظمك باثنين. الله اه ثالثهما. هو اللي ربنا معه يخاف؟ هو اللي ربنا معه يقلق؟ هو اللي ربنا معه يعيش على مهدئات الا بقى لو مريض وطبيب - 00:23:56

هو اللي كاتب له الكلام هو اللي ربنا معه. اللي ربنا معه. يعيش في عذاب نفسي. والله سبحانه وتعالى معه. نحن هنا لا نتكلم عن المريض يا جماعة المرض النفسي ده ابتلاء زيه زي كسر الرجلين زي قرحة المعدة. زي ما المؤمن بيجي له قرحة معدة وممكن رجله

تتكسر. كذلك المؤمن ممكن يجي له مرض نفسه. ما تكلمش - [00:24:16](#)

الامراض النفسية هنا. انا باتكلم عن المرض النفسي اللي بسبب ضعف الايمان. مش المرض النفسي الابتلاء. الله سبحانه وتعالى ابتلى فلان او فلانة به وده له اجر كالمجاهد في سبيل الله. على صبره عليه. لان المؤمن لا تصيبه شوكة الا له اجرها عند الله. فاللي -

[00:24:36](#)

قابر على الام المرض النفسي ده ربنا يعافي مرضى المسلمين. انا باتكلم عن لضعف الايمان وصله لده. على اللي ضعف ذكر الله وصله لده. اتكلم على ده ثلاثة اتقفل عليهم الصخرة. خلاص ميتين لا معهم بلوتوس ولا معهم واي فاي ولا معهم اي سوشيال ميديا. ولا معهم لا سلكي ولا - [00:24:56](#)

ولا معهم تليفون ارضي ولا موبايل. ولا معهم انترنت ولا ايميل. ولا معهم اي وسيلة اتصال بالعالم. هيموتوا هيموتوا. فقال بعض لبعض الثلاثة عندهم اليقين ده. انه لن ينجيكم مما انتم فيه لن ينجيك من الفقر. لن ينجيك من عدم الزواج - [00:25:16](#)

لم ينجيك من المشاكل الطاحنة اللي انت عايش فيها في بيتك واسرتك. لن ينجيكم مما انتم فيه. الا الله اه فتوسلوا الى الله بصالح اعمالكم. هو ده الحل. الحل. فلولا اذ جاءهم بأسنا رموا أنفسهم تحت المترو - [00:25:36](#)

فلولا اذ جاءهم بأسنا رمت نفسها تحت القطر. فلولا اذ جاءهم بأسنا شربة سم ولا ولع في نفسه ولا رمى نفسه من فوق فلولا اذ جاءهم بأسنا تضرعوا. يبقى لما الابتلاء بيضيق عشان الصراخ لربنا يطلع - [00:25:56](#)

فالفرج ينزل. عايزين نفهم الرسائل الربانية. مش عشان نأأس. ربنا قادر على تفريج اي كرب. وربنا قصص فرج واغناء الفقراء وشفاء المرضى بالسرطان والفشل الكلوي وكل والعمى واللي عنده ضمور في العصب البصري - [00:26:16](#)

واللي مشلول على كرسي قصص شفاء كل دول. كلنا شفناها بعيننا. وكلنا نعرفها. وكلنا عيشناها ربنا ياما وانا رسائل بتورينا فيها قدرته قد ايه واليقين فيها ولكن احنا عايزين نركز مع ربنا عايزين نركز لان حكم المنتحر حكم صعب جدا - [00:26:36](#)

قال رسول الله صلى الله عليه وسلم من تردى من تردى ليقتل نفسه. واحد طلع على جبل وقام طلع في الدور العاشر ولا حاجة وقام رامي نفسه. فهو في جهنم يتردى فيها خالدا مخلدا ابدًا - [00:26:56](#)

ومن شرب سما تحسى سما. اللي شرب سم ولا كيروسين ولا جاز عشان يقتل نفسه. فهو في يديه في نار جهنم يتحساه عزبه في النار بالطريقة اللي قتل نفسه بها. لانه قاتل بس قتل نفسه. عجب الله بنفسه فهو في - [00:27:16](#)

في يده في جهنم يتحسه خالدا مخلدا فيها ابدًا. ومن قتل نفسه بحديدة مسك حاجة طعن قلبه ولا دبح نفسه ولا قطع عروق ايده زي ما النبي عليه الصلاة والسلام قال عليه الصلاة والسلام في صحيح مسلم ان رجل اتى بمشاقصه يعني حاجة زي السكين -

[00:27:36](#)

فقطع بها يده. فزل ينزف حتى مات. فقال الله حرمت عليه الجنة. فقال الله حرمت عليه الجنة ان النبي عليه الصلاة والسلام لما واحد قتل نفسه ايام النبي عليه الصلاة والسلام. النبي ما رضاش يصلي عليه. عليه الصلاة والسلام. مش بقول ان المنتحر كافر - [00:27:56](#)

العلماء قالوا ندعي له بالمغفرة وبالرحمة. ندعي لهم كلهم. نسأل الله ان يغفر لهم اجمعين. وان يرحمهم اجمعين. اللهم امين. ولكن النبي ما رضاش يصلي عليه يعني ده معناه ايه؟ ودلتها ايه؟ ومن قتل نفسه بحديدة فهي في يده في نار جهنم يطعن نفسه بها خالد -

[00:28:16](#)

اذا مخلدا ابدًا وصح عن النبي صلى الله عليه وسلم انه قال من قتل نفسه بشيء عذب به يوم القيامة. وهو بيرمي نفسه او او بيموت نفسه هو باصص على ورا بس. بصش على قدام. هو باصص وراء بس. هو باصص من رجليه على المشكلة اللي هو فيها - [00:28:36](#)

طب انت بترمي نفسك فين؟ ده انت داخل قبر برجليك. ده انت رايح يوم قيامة. انت فاكر انك انت بتخلص من مشكلة عشان ترتاح ده انت بتخلص من مشكلة دنيوية - [00:28:56](#)

رؤية حقيرة عشان مشكلة اخروية انت جاهز لها ولا مش جاهز لها؟ انت مستعد لها ولا مش مستعد لها؟ انماط يا جماعة على فكرة يا اخواني على فكرة في نمطين شبه بعض. رغم ان الاثنين اي حد هيفكر لا يمكن يربط بينهم وبين بعض. والاتنين عقلية واحدة. اللي

بينتحر. لان اه - 00:29:06

اللي بيحبها او آآ ابوه منفصله او ما اتجوزتش او ظروف اقتصادية اللي بينتحر عشان ضاقت به الدنيا واللي هيموت على الدنيا ومستعد يدوس اي حاجة تحت رجله. حتى لو اصحابه حتى لو اي شيء عشان ياخذ الدنيا. الاتنين الاتنين هيموتوا على الدنيا -

00:29:26

بس ده لما الدنيا راحت تصور ان ما فيش حياة بعدها. وده متصور ان اي حاجة تروح عشان الدنيا ما تروحش منه. ده ما تنش زاهريا ده هيموت على الدنيا ويبستمع بها وجري الوحوش عليها. وده رمى الدنيا وقتل نفسه. والاتنين بيذكروا بنفس النقطة - 00:29:46

لو حقرت الدنيا في اعيننا. ولو عظمت الاخرة في اعيننا لما كان هذا. لا مكان هذا. حكم الانتحار. قال تعالى انه لا ييأس من روح الله الا القوم الكافرون. اللي بينتحر ده هيقف بين ايدين ربنا ازاى؟ ده اي وش؟ انا مش بكلم ربنا يدخله - 00:30:06

الجنة ولا النار. يا رب كلهم يغفر لهم. يا رب كلهم يدخلوا الجنة من قلوبنا كلنا. وقلبنا بيتمزق على اي انسان عاش اي لحزة الم. اي لو لو مش انسان لو كائن غير عاقل وعائش لحظة الم قلبنا بيتقطع. انما باي وش هيقابل ربنا؟ لما ربنا يقول له انت مت - 00:30:26

يقول له اصل يا رب انا ما كنتش متخيل انك انت هتعمل لي حاجة. او المشكلة اللي انا فيها كانت آآ قدراتك يا رب ما تجيبش حلها.

هيقول لربنا ايه - 00:30:46

ايه الحاجة اللي هيقولها لربنا؟ ايه العزر اللي هيقوله ربنا باي وش؟ ده الواحد بيحلم انه يموت موة يقابل بها ربنا زي عبدالله بن

جحش في غزوة احد. اللهم ارزقني اليوم رجلا كافرا شجاعا صديدا يقتلني. فبيقرب بطني ويقطع - 00:30:56

اعذني ويجدع انفي فالقاك يا رب بدمي. فتقول عبدي لما فعل بك هذا؟ انت ايه اللي موتك الموة دي؟ فاقول فيك وفي رسولك يا رب عشان دينك يا رب. عشان النبي عليه الصلاة والسلام هو دافع عنه يا رب. المؤمن بيحلم ولقد كنتم تتمنون الموت. المؤمن

بيحلم انه يموت - 00:31:16

متى ربنا يفرح بها ويحبه. قل ان صلاتي ونسكي ومحياي ومماتي لله. المؤمن بيعتبر ان لحزة المتعة عبادة زي ما الحياة عبادة. فعائز

يعيش في سبيل الله ويموت في سبيل الله. طب اللي اتحرم من دي. لما يقف بين ايدين ربنا - 00:31:36

لما اكتشف ان الموت ده كان اسانسير يوصله لرضى الله. ان الموت ده كان طريقة ممكن لو عاش على طول كان ربنا يدي له حسن

خاتمة يقابل ربنا بوسام شرف في العرض على الله. هيرفع راسه من ايدين ربنا ازاى؟ ازاى؟ قال تعالى ولا تقتلوا - 00:31:56

انفسكم ان الله كان بكم رحيمًا. ربنا ارحم مما تتخيل. ان رحمة الله قريب من المحسنين. الامل سيدنا سيدنا يعقوب لما كل حاجة

اسودت حواليه ويوسف اتاخذ ابنه اتاخذ ده يعني الواحد يتخيل ان اللي ابنه اتقتل اسهل الف مرة - 00:32:16

اللي ابنه اتسرق. اللي ابنه مات اللي ابنه وقع تحت عجل قطر اسهل مليار مرة من اللي انه اتسرق. ربنا يحفظنا جميعا يا رب ويحفظ

اولادنا جميعا. ويحفظ ونعوز بالله من زوال نعمته وتحول عافيته. سيدنا يعقوب ابنه بقى له ثلاثين سنة مش عارف عنه حاجة. وابنه

التاني راح منه بنيامين في مصر. وولاده تقطعه جزء - 00:32:36

مصر وجزء عنده والدنيا سودا. والمجاعة وبيقول عسى الله ان يأتيني بهم جميعا عسى الله ان يأتيني. ييجوا لحد عندي. جميع انا

عندي ظن في ربنا. ان كل مشاكل حياتي تتحل - 00:32:56

يا راجل! اي والله! ايوة اقسام بالله الله قادر يحلها كلها ويفرجها كلها. وكل كل المشاكل تتحل. اصلح لي شأني كله. انا عايز كل حاجة

اللهم اني اسألك من الخير كله. كله كله - 00:33:16

ما اطلبش كله ليه وربنا بيدي كله؟ ربنا ربنا خلى عباده الصالحين ملوك ووزراء ومخترعين عسكريين السما مطار الذهب على سيدنا

ايوب. مطار الذهب على سيدنا ايوب. ادى لسليمان ملك لا ينبغي لاحد من بعده. خلى داود - 00:33:36

يا عسكري وانتقلوا الجبال وتطير في التسبيح معه. هو اللي بيروح لربنا. ربنا ببسيبه. هو اللي بيقبل على ربنا. هو اللي بيختار كده

ربنا ببسيبه ده ربنا بيخليه قايم. زي ما ربنا قال في سورة الفتح ولتكون اية للمؤمنين. ربنا بيخلي اللي يعبد ويخلصه - 00:33:56

اية قدام الدنيا كلها في العطاء. الطريق سهل. بس احنا مستعدين نتعب في الدنيا. ومش مستعدين نتعب مع ربنا. سبحان وتعالى.

مش مستعدين. فيش كرب في الحياة. اشد من اللي حصل لسيدنا يونس. واحد راكب سفينة وفجأة السفينة بتتمطوح لازم نرمي حد. يعملوا قرعة - [00:34:16](#)

هو طب ثاني هو ثالث هو يشيلوه من ايديه ورجليه يرموه في الماية. في الماية فين؟ ده في الخليج العربي. وفي بعض الاقوال الضعيفة بقى في البحر المتوسط خليج العرب واحد مرمي في مرمي في المحيط. ده يروح فين ده؟ وهيفضل يعوم لحد فين ده؟ ده ضاع. مش بس كده قدام - [00:34:36](#)

كلها يطلع حوت بقة تمانية الحوت الازرق ده بقة تمانية متر. بيلعه جوة بطنه. وياخده في البلعوم لحد ما يستقر جوة بطنه الحوت وسط الانزيمات الهاضبة ووسط انياب الحوت ووسط الزلمات وياخدوا ثلاث تيام في قاع البحر ما فيش نقطة اكسجين. ده يعيش ازاي ده - [00:34:56](#)

ده انتهى. ده مستحيل حد يعرف يعمل له حاجة ومستحيل يحصل له حاجة. ده بشريا قضيته انتهت. سيدنا يونس لا انظر الى كل هذا. سيدنا يونس يقعد ثلاث ايام يستغيث بالله. تعرف تعملهم؟ اقسام برب العزة لو عملتهم اقسام برب العزة ما يثبت - [00:35:16](#) حياتك كرب. اقسام بالله الا لو نوع من انواع الابتلاء بقى ربنا يعني عاين لك فيه حكمة عالية اوي اوي لان احيانا بعض الابتلاءات ربنا بيببتليك بقى عشان يصلح لك كل حاجة في حياتك اصلا. يعني ابتلاء سيدنا يوسف ده لو كان اخواته ما غاروش منه وحسده وحقدوا عليه ورموه في الجب - [00:35:36](#)

ما كانش بقى ملك. فاحيانا فيه ابتلاء بس ده مش الاصل. ده ده نوع. انما باتكلم على عموم انواع الابتلاء. اقسام بالله ما يسبت في حياة الكرب. جربت اصبر على باب ربنا ثلاث ايام. انت لو دخلت عملت عملية جراحية مش هتقعد تنام في السرير تصوت اقل من اسبوع. حتى لو ادوك مورفين. حتى لو ادوك رمضان - [00:35:56](#)

ترامادول الصبح وبالليل. هتقعد تصوت ليل نهار اسبوع. انت لو هو ايه في الدنيا ما فيش فيه تعب؟ سيدنا يونس قعد ثلاث تيام يصلي في بطن الحوت ويصرخ لله لا اله الا انت ايه؟ سبحانك! مش انت يا رب! انا المصيبة اللي انا فيها دي مش مش انت يا رب السبب فيها. مش انت - [00:36:16](#)

فيا رب اللي اللي تعمل في عبدك تسبب اني كنت من الظالمين. انا السبب. كل شيء بقدرك ولكن انا الوحش. مش انت يا رب اللي تتخلي على عبد دعا اليك. مش انت يا رب اللي تسبب عبد دعا اليك يحصل فيك كده. امال اللي حصل لك ده ليه يا يونس انا اللي وحش. انا اللي سبت الدعوة - [00:36:36](#)

انا اللي خرجت من قومي بدون اذنك. انا اللي زهقت من الدعوة القومي ويأست من ايمانهم وقلت ارواح بلد تانية انا اللي وحش يا رب. انما انت سبحان تعرف تستغيث بالله كده؟ تعرف ربنا عمل له ايه؟ حول له الحوت غواصة بحرية. وحول له الليل نزهة بحرية. يسمع - [00:36:56](#)

الكائنات اللي في قاع البحر وامدنا عليه شجر من يخطي وفتح عليه في الدعوة الى الله ثاني واقل الناس عليه اعظم الف مرة من كده في الدعوة الى الله فتح عليه في الدنيا وفتح عليه في الدين وسامحه في الآخرة. كل ده ليه؟ لانه وقف على باب ربنا سبحانه وتعالى - [00:37:16](#)

الامل النبي عليه الصلاة والسلام في الخندق عليه الصلاة والسلام وهم الخندق طبعاً ده جو يا جماعة ده جو المدينة كلها تتقتل يعني الخندق ده مش غزوة كده احنا بنتكلم فيها ده عشر تلاف - [00:37:36](#)

واحد جيش عرامرة من الجزيرة العربية عمرها ما شافته. جايبين يدبوحوا البادرة المنورة دي كلها من اولها لآخرها كده. والنبي قعد يحفر والصحابة يحفروا صخرة ما فيش فايذة فيها. حاجة كده ايه حاجة جلمود كده يضربوا الفؤس ما فيش فايذة. راحوا للنبي عليه الصلاة والسلام. النبي عليه الصلاة والسلام - [00:37:50](#)

بسم الله كده ونزل ومسك الفأس وسمى بسم الله وضرب فصار تلت الصخرة كسيب اية الكسيب اية يعني ايه الرمل اللي هو تمسكه في ايدك كده يقع من ايدك من كتر ما هو ناعم ومش ماسك في بعضه. اتفرمت كانها اتضربت في الخلط. هو ايه ده! ده ربنا بقى مش

النبي عليه الصلاة والسلام - 00:38:10

ده ربنا فقال النبي صلى الله عليه وسلم الله اكبر. اعطيت مفاتيح الشام. شم ايه يا رسول الله؟ ده احنا مش ده اللي واقفين كلهم محبوس عليهم البول خايفين يروحوا يقضوا مولتهم. من الرعب اللي هم فيه. احسن حد منهم يتقتل ولا زالوا حاجة. شم بعد كده -

00:38:30

النبي طرب بالفستان بسم الله. التلت الثاني اتفرم كزباية فقال الله اكبر اعطيت مفاتيح العراق. وبعد كده ضرب التلت التالت فقال الله

اكبر اعطيت مفاتيح اليمن. شام وعراق ويمن. الصحابة بيبصوا للنبي كده. هم - 00:38:50

فيهم ناس واقفة ترتعش اصلا من الموقف اللي هم فيه من التلج اللي هم فيه من الجو اللي ما فيه. والمنافقين خدوها نكتة ماتوا على روحهم من الضحك. شاب ويمن فقالوا وقال بعضهم لبعض ايعدنا محمد بمثابة بقصور كسرى وقيصر واحدنا لا يأمن ان يقضي -

00:39:10

ده انا عايز اروح الحمام مش عايز اروح الشام مش عارف. وسيدنا محمد بيقول لهم الشام والعراق وفتحت الشام وفتحت العراق فتحت اليمن الامل. النبي عليه الصلاة والسلام كان بيعلم الصحابة الامل. النبي عليه الصلاة والسلام في رحلة الهجرة. خلاص قرب من

المدينة. سراقه بن مالك. واحد شافهم - 00:39:30

راح لسراقه قال له بان محمد هو صاحبه اللي قاله بميت جمل للي يقبض عليهم. قال له محمد مين؟ ده اتنين انا بعثهم. محمد مين

يا عم انت مجنون ولا ايه - 00:39:50

اقعد بس اقعد واستنى لحد ما كله اتخدر وقام طالع سراقه ابن ما لك مسك فرس ما حصلش وطلع مية ناقة هتبقى باشا اطلع على وش الدنيا. هتخرج من الفقر اللي انت فيها سراقه. الاتنين اللي قريش بتدور عليهم بقوا في ايديك. وطلع يجري. النبي عليه الصلاة

والسلام لا في ايده سيف - 00:40:00

ولا تحت منه فرس. النبي عليه الصلاة والسلام ما عهوش سيوف لان هو كان خرج بسيف. كانوا عرفوا ان هو خارج يهاجر. ما غابش

حتى فرس جايب جمال لانه لو - 00:40:20

شف بفرس كانت عارف ان اللي بيهربوا بسرعة هي معركة زكاء مش معركة سرعة. هي قضية زكاء قضية رحلة الهجرة دي ربنا اعتبرها نصر عسكري الا تنصروه فقد نصره الله. ربنا تحدى المسلمين كلهم. اصعب غزوة في السيرة كلها غزوة الهجرة. ونجيتوا فيها

ولا واحد - 00:40:30

كان واقف معه فيها غير ابو بكر الصديق. وربنا نزل الاية دي بعد تسع سنين من الهجرة. النبي عليه الصلاة والسلام لقي سراقه جاي

من بعيد. ابو بكر يعمل ايه؟ خلاص - 00:40:50

صح وانتھينا. فقال النبي صلى الله عليه وسلم اللهم اكفنيه بما شئت. النبي لا معه سيف ولا معه حاجة يرميها. هو ما معهوش غير اللهم اكفنيه بما شئت. فساخت اقدام الفرس. الارض دي اللي يشوف الحتة اللي النبي حصل له موقف سراقه فيها ديت. متصورة في

موسوعات الهجرة في المكتبة النبوية. مكتبة المسجد النبوي. الارض - 00:41:00

اصلا ما ينفعش ان رجلين فرس تسيغ فيها. معجزة من الله سبحانه وتعالى. ارض جيرية بيضاء كده صلبة. معجزة من الله. سراقه

برضو ما فيش فايده ابو حاول تاني فساخط اقدام الفرس. قام وحاول تالت فساخت اقدام الفرس. يقول سراقه فعلت ان الرجل

ممنوع. لا لا لا لا ده فيه حاجة من فوق بقى. طب انا - 00:41:20

انا كنت جاي اخذ مية ناقة. انا كده هارجع ايد ورا وايد قدام. ده انت كنت يا سراقه هتطلع على وش الدنيا. فقال يا محمد هو كان

بيقول توقف يا محمد عشان يقتله او يقبض عليه. الاية محمد لن اؤذيك بشيء. ولكن مازا ستعطيني؟ انا كانت قريش هتديني ميت

ناقة. انا الوقت - 00:41:40

خلاص مش هقرب منك. خلاص بس انت هتعمل لي ايه ويعده الرسول صلى الله عليه وسلم بسواري كسرى. سواري ايه؟ كسرى حاكم

بالاتحاد السوفيتي هتاخذ الاساور بتاعته اللي قاعد على العرش بتاعه بها. كسرى مين بس يا سيدنا محمد عليه الصلاة والسلام -

الله وحده يعلم ما كان في صدر سراقه وهو يسمع هذا الكلام من رسول الله صلى الله عليه وسلم. سواره كسرى على النبي يقول له هديك ميت دينار. ابعت لي تعال للمدينة وانا اديك ميت دينار. مسلا. ولا متين درهم. سورة سواره كسرى - 00:42:20

وتمر السنين ويموت النبي عليه الصلاة والسلام. ويجي ابو بكر خليفة ويموت ابو بكر رضي الله عنه وارضاه. ويجي سيدنا عمر ابن الخطاب وتفتح مدائن كسرى في عهد عمر ويقف عمر على منبر رسول الله صلى الله عليه وسلم بعد سنين طويلة من موقف سراقه.

ليعرض على المسلمين كنوز - 00:42:40

كسرى وسوار الكسرى. ويقول لهم ان قوما ادوا هذا الى اميرهم لقوم خير. شوفوا المسلمين جايين كنوز شكلها ايه ويقف رجل كبير اسمه سراقه ابن مالك يقول له وعدني رسول الله بهذه الاساور. الرسول عليه الصلاة والسلام وعد بها. والدنيا كلها - 00:43:00

من التأسر ان سيدنا محمد صدق وعده عليه الصلاة والسلام. وسراقه قبل ان يموت اخس وراء كسرى. من عمر بن الخطاب رضي الله عنه وارضاه الامل. ربنا قادر. كل شيء في ايد ربنا. الشهر اللي احنا فيه بالزات. عاشوراء بيقول لك ما فيش يأس من حاجة. ده -

00:43:20

الضهر اللي ربنا تاب على ادم فيه. ده اليوم اللي ربنا نجى يونس من بطن الحوت فيه. وخرج ده اليوم اللي ربنا رسى سفينة نوح على الجودي فيه ده اليوم اللي ربنا اهلك فرعون وانتقم من الزالمين فيه. ده اليوم اللي ربنا انتقم للحسين من اللي قتلوه في يوم عاشوراء

فيه. وانتقلوا نفس القتلة. ده اليوم - 00:43:40

الي ربنا نجى موسى وبني اسرائيل فيه. ما فيش واحد فيهم بس الماية ازاته في حاجة. ده اليوم اللي ربنا وانا المعجزات فيه. عشان نعرف من هو الله؟ ده اليوم في بداية السنة اللي ربنا بيجدد به قلوب الامة في الامل في الله. والثقة في الله وذكرهم بايام الله.

فكرهم - 00:44:00

يا محمد ربنا يقدر يعمل ايه؟ وربنا ياما عمل للصالحين ليه؟ خليك صالحين تأخذوا مسل ما اخذ الصالحون. اقول قولي هذا واستغفر الله. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وبيدك الخير كله. واليك

يرجع الامر كله. اللهم صل على - 00:44:20

عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد كل يوم هو في شأن. كل يوم هو في شأن يعني ايه كل يوم ان هو في شأن؟ يعني كل يوم هو في فرج. كل يوم هو في فتح. كل يوم هو في مدد. كل يوم مع طلعة كل

شمس في - 00:44:40

امل ان ربنا يشفي لك مرضك. مع طلعة كل شمس في امل ان ربنا يغني لك فقرك. مع طلعة كل شمس فيه امل ان ربنا يوظفك. مع طلعة كل شمس في امل ان ربنا يجوزك مع طلعة كل شمس في امل ان ربنا يديك الزرية والولد مع طلعة كل شمس. في امل ان ربنا -

00:45:00

في الدعوة والدين مع طلعة كل شمس في امل ان ربنا يزهد الاكتئاب والتوتر اللي جواك ويعافيك ويخليك تضحك من قلب قلبك مع طلعة كل شمس. فيه امل في الله مع قال رسول الله صلى الله عليه وسلم ايقظوا صواحب الحجرات. صح حلو صح - 00:45:20

امهات المؤمنين صحوا عائشة وحفصة وجويرية صحوهم ليه؟ ما انا انزل الليلة من الخزائن؟ لو يشوفوا منظر العطاءات المنامرة من خزائن الله. على اللي بيصلوا قبل الفجر مش هيجي لهم نوم. مع كل دخلة ليل. في امل ان ربنا يشفيك ويهديك - 00:45:40

اصلح بالك ويشفي حبايبك ويتجوزك ويديك شقة ويصلح لك احوالك ويغنيك. مع كل طلعة شمس ومع كل دخلة ليل. الامل في ربنا معقود. اللهم اني اسألك خير هذا اليوم فتحة ونصرة ونورة. ايه الدعاء الجميل ده! فيما روي عن النبي - 00:46:00

اللهم اني اسألك خير هذه الليلة فتحها ونصرها ونورها وبركتها وهداها. ايه ده! ده واحد واسق قوي. ده واحد مش في بطن بطيخة صيفي. ده واحد واسق في ربنا اوي. شاب من الشباب كنت في القاهرة هنا في مشوار وسهرت لحد قبل الفجر. فيعني - 00:46:20

يعني كنا يعني في دعوة الى الله الا اوصلك المنصورة يعني كده ايه يعني لله يعني يعني ايه اخوة كده وصلني المنصورة وهو في

الطريق بيقول الكل بدأ يحكي لي قصته انه لم يكن هو موصلني ما شاء الله في اربعة مرسيدس يعني. انه لم يكن يملك هي مش مرسيدس اخر موديل. بس مرسيدس - 00:46:40

انه لم يكن يملك في الدنيا شيء ولا معه يتجوز ولا ويبص كده للشقق كده هو انا معقولة في يوم من الايام يبقى عندي شقة ولا عنده شغل ولا عنده حاجة - 00:47:00

قعد يحكي لي قصته نقطة نقطة. ازاي اول اسورة كده ربنا رزقها له حنة اسورة ذهب الله حنة من الشبكة بقت معي. انا ممكن الوقتي ان شاء الله لو حوشت عليها اتقدم لاي واحدة. قعد يحكي لي وهو يبص على شقة مساكين شعبية كده. هو انا ممكن اخذ حنة هنا حتى ايجار - 00:47:10

بيحكي لي ربنا فتح عليه بعد كده وتاجر في المخلل والعسل شوية حاجات كده. بيقول لي انا الوقتي دخلي بفضل ومنة الله ست سبع تلاف جنبه في الشهر. ودلوقتي بفضل الله - 00:47:30

بقي عندي شقة تمليك واتجوزت وجبت عفش وجبت شبكة. الامل في الله شاب بسيط ولكن يعني سبحان يا اخي دافع قدر الله بقدر الله. هو انت لو رميت نفسك تحت قطر هيحصل ايه؟ يا عم ده انت لو قلت يا رب من قلبك ونزلت ربنا اقسم بالله ما - 00:47:40

سبك. والله ما هيتخلي عنك ابدًا. خلاص انت كده بقيت في ولاية الله. احد الشباب اعرفه هو دلوقتي رجل اعمال بقي بيتاجر في حاجات كبيرة اللي لم يكن يملك شيء من حطام الدنيا هو من بلد قرية جنبنا كده جنب المنصورة. فقير جدا بيقول واحد وانا وانا

بتقدم كده بقي لعروسة طب اجيب لها منين - 00:48:00

وتأتي بالله يعني بيقول واحد بيتصل بي صاحبي قال لي في واحد سعودي معه مش عارف ثلاثين تأشيرة وعمايز مش عارف كم واحد يسافر السعودية المهم بيقول دخلت في القصة دي ربنا فتح دلوقتي بقي رجل اعمال مكاملة يا اخوانا. ربنا قال هو كل واحد بقي له

ترتيبه غير الله. يعني كل واحد مننا ربنا بيعنيه غير تاني - 00:48:20

وربنا يبشفيه ما نفدت كلمات الله. ربنا ما فيش وسایل بتحد قدرته ومشيتته. ربنا قادر سبحانه وتعالى. القضية هنا احنا احنا واثقين في ربنا ولا لا؟ واثقين في الله الراجل اللي كان قاعد مع رجل اعمال الاثنين بيعملوا صفقة مع بعض وما بيخلفش. سنين ما بيخلفش

وقاعد مهموم هم السنين - 00:48:40

فلوس ما يجيش فلوس مهموم. الراجل جايب ابنه معه وقاعد يلعب به ويتنطط به. وفيه ناس يا اخي ربنا والعياز بالله لسانها ده سم. ربنا جعل ابتلاءات حياتك انك انت تحتك بواحد لسانه بالمنزر ده. عشان ربنا بس جعلنا بعضكم لبعض فتنة وتصبرون. قال له تعرف

تجيب عيل زي ده؟ يعني فيه ناس يا اخي - 00:49:00

والله والله يعني حسبنا الله ونعم الوكيل. تعرف تجيب عيل زي ده؟ اجيب عيل زي ده؟ يعني اجيب عيل زي ده اجيبه ازاي؟ بيقول نزل في الشارع تماسك ونزل قعد يعيط في الشارع. ويعيط لربنا يا رب انا ما اقدرش. بس انت تقدر. يا رب انا ما اقدرش. بس انت

بس انت تقدر ربنا اداها له - 00:49:20

في اسابيع كانت مراته حامل. ربنا يقدر. ربنا يقدر سبحانه وتعالى. ربنا عنده شقق وعنده عرايس وعنده موبايلات وعنده عربيات ربنا ازاي انت ما لك؟ هو يا عم انت اللي خلقت الكون ولا انت اللي خلقت نفسك؟ لما زكريا قال لمريم اني لك هذا منين بقي؟ فاكهة الشتاء

في صيف منين - 00:49:40

قالت له هو من عند الله ما قالتلوش ازاي؟ قالت له منين؟ لان ربنا ما فيش ما عزهاش. انت توقن وتدعي ربنا وتصلح صح اوي

وتصالحه اوي وتنزل تطبق حديث النبي عليه الصلاة والسلام. احرص على ما ينفعك. واستعن بالله ولا تعجز. انزل شق في الصخر. ما

لكش دعوة - 00:50:00

عبدالرحمن بن عوف قال زممت اني لو رفعت حجرا لوجدت تحته زهبا. لقيت وزيفة! يا عم اقبلها! الشاب اللي على القهوة بيقول لي وانا هاشتغل ليه! وانا مش عارف اجيب فلوس جوازي - 00:50:20

يا عم التاجر لما بينزل في السوق بيلقي الف فرصة حط رجلك في السوق. اقبل اي حاجة يا عم اشتغل عشان ربنا يوديك الجنة.

اشتغل عشان ما يجيلكش اكتئاب نفسي. عشان الاكتئاب ما يعيش جواك. اشتغل عشان لما ترفع ايدك وتقول يا رب. ربنا ما يقولش مين المتوكل ده. ايه - [00:50:30](#)

كل اللي عندك ده اشتغل يا عم عشان الشغل ده قيمة مقدسة في الاسلام اصلا الشغل العرق ده الانبياء كلهم عرقوا في الشغل وفي الحرف المهنية سيدنا ادريس خياط وسيدنا زكريا نجار وسيدنا داود حداد وسيدنا محمد راعي غنم راعي غنم عليه الصلاة والسلام - [00:50:50](#)

انبياء كلهم تعبوا في الشغل وتعبوا عشان لقمة عيشهم. راح عليهم الصلاة والسلام. اشتغل عشان تبقى معهم في الجنة. اشتغل عشان الايد البطالة وحشة والايد الخشنة من الشغل الله بيحبها من فوق سبع سماوات. اشتغل عشان العمل عبادة. اشتغل عشان لما تحط رجلك ربنا هيفتح لك الباب الاوسع - [00:51:10](#)

بس وانت قاعد في بيتك يا تجي لي من السما كده متقشرة يا ما اناش جايب جون خليك بقى قاعد مستني بقى يجي لك مقشرة. بقى كثير استنوا زيك كده - [00:51:30](#)

ونهايتهم يا كانت انتحار يا كانت امراض نفسية. يا كانت انه عاش حياته كده بقى. غلبه كده. اشتغل. اشتغل لان ربنا قال لك اشتغل افة يعني ايه شاب اول مرة يشتغل وهو عنده خمسة وعشرين سنة. ايه ده! يعني انت طلع لك شنب وانت في تالته اعدادي - [00:51:40](#)

وبشتغلتش غير بعد ما شنبك طلع بحوالي خمستاشر سنة ولا اتناشر سنة اشتغل قال لا انا بدرس في الكلية ليه يا عم انت بتضحك علي ولا على نفسك ما انت عارف انك ممكن تدرس في الكلية ان رئيس امريكا بيوقف في بنزينة عشان يجيب مصاريف الكلية بتاعته. يا عم اشتغل - [00:52:00](#)

حتى في الصيف اشتغل لان الشغل هو اللي هيفهمك الدنيا. هو اللي هيحركرك في الحياة. اخواني واحبابي في الله عايزين حاجات كثير تتغير فينا. احنا مش جاهزين نموت. ما حدش يعجل بنفسه عن الله سبحانه وتعالى. ما حدش فينا جاهز لاول ليلة في القبر يتسأل امتحان اليقين من ربك ومدينك. ما حدش فينا يقينه جاهز انه يقف - [00:52:20](#)

ايدين ربنا في العرض على الله وسريرته تبلى ما فيش حد فينا جاهز ان صحيفته تتطير. وما فيش حد فينا جاهز الوقت انه يعدي من على الصراط ربنا اللي هيختار لك هتعيش ازاى وهتموت ازاى؟ عيش كل حياتك انك تتجهز للقاء الله. لان دي اعظم مهمة. والدنيا - [00:52:40](#)

ربنا اداك سنن واسباب تشتغل بها فيها. ما خدتش بها انت اللي هتخسر. لاني لن تجد لسنة الله تبديلا. ولن تجد لسنة الله تحويلا. اللهم اصلح احوال امة محمد. اللهم قوي ايماننا. اللهم انا نسألك اليقين والمعافة. اللهم انا نسألك اليقين والمعافة. اللهم انا نسألك - [00:52:58](#)

وحسن الظن بك وصدق التوكل عليك. اللهم اصلح احوالنا. اللهم اشف امراضنا. اللهم ادع عنا ديوننا. اللهم فرج كربنا اللهم عافنا في نفسياتنا. اللهم يا ربنا عافنا في اسماعنا وابصارنا. اللهم زدنا ولا تنقصنا. اللهم اكرمنا - [00:53:18](#)

ولا تهنا اللهم اعطنا ولا تحرمنا. اللهم اعطنا ولا تحرمنا. اللهم اعطنا ولا تحرمنا. اللهم انا نسألك من اليقين ما تهون به علينا مصائب الدنيا. يا رب ارزقنا من اليقين ما تهون به علينا مصائب الدنيا. اللهم اغفر للمسلمين والمسلمات - [00:53:38](#)

المؤمنين والمؤمنات الاحياء منهم والاموات. اللهم اغفر لعبادك اجمعين. واهد عبادك اجمعين. واصلح احوال امة حبيبك يا رب العالمين. اللهم اعد الينا المسجد الاقصى. اللهم اغث اهل سوريا. اللهم اغثنا يا ربنا. رب انا مغلوبون فانتصر. ربي انا مغلوبون فانتصر - [00:53:58](#)

ربي انا مغلوبون فانتصر. سبحانهك اللهم وبحمدك. اشهد ان لا اله الا انت. استغفرك واتوب اليك - [00:54:18](#)